

Konsultant/ica za prikupljanje online edukativnih materijala za e-school web stranicu

Osnovne informacije

Centar za sigurni internet u Bosni i Hercegovini, kojim rukovodi Međunarodni forum solidarnosti EMMAUS (MFS-EMMAUS) angažuje konsultanta/icu za prikupljanje online edukativnih materijala za e-school web stranicu.

Centar za sigurni internet (SIC) u Bosni i Hercegovini je angažiran na sprečavanju nasilja nad djecom u digitalnom okruženju, prevenciji i podizanju svijesti o sigurnosti na internetu, edukaciji djece, mladih, roditelja, prosvjetnih radnika i drugih profesionalaca. Centar za sigurni internet se sastoji od sljedeće četiri komponente:

- informativni centar namjenjen za prevenciju i podizanje svijesti;
- SOS linija za podršku namjenjena za pružanje podrške, savjeta i informacija putem besplatne telefonske linije (0800 22 323);
- SOS linija za prijavu neprimjerene online komunikacije i sadržaja kao i bilo kojeg oblika nasilja nad djecom;
- omladinski panel omogućava mladima uključivanje u kreiranje i realizaciju aktivnosti centra.

Platforma www.sigurnodijete.ba je jedinstven resurs pod sredstvom kojeg se nudi niz edukativnih materijala namijenjenih djeci, roditeljima, nastavnicima i široj javnosti. Kroz navedenu platformu izrađena je *e-school*, web stranica namjenjena umrežavanju nastavnog kadra i ostalih profesionalaca u oblasti obrazovanja u Bosni i Hercegovini, a u cilju efikasnije prevencije zloupotrebe informacijskih i telekomunikacijskih tehnologija među djecom i mladima. Postojanje ovakve stranice je od izuzetnog značaja obzirom da savremena škola i obrazovanje podrazumijevaju upotrebu interneta u svakodnevnoj nastavi.

Svrha i cilj angažmana

Zadatak konsultanta/ice je da kroz *desk* istraživanje, iz različitih resursa prikupi edukativne materijale vezane za sigurnost djece na internetu (brošure, istraživanja, prezentacije, webinar, video materijali i svi ostali edukativni materijali koje nastavnici mogu da koriste).

Zaduženja i odgovornosti

Odabrani konsultant/ica je dužan/na da u predviđenom vremenskom roku angažmana:

- u saradnji sa osobljem Centra za sigurni internet usaglasiti ključne materijale koje je potrebno prikupiti kroz desk istraživanje, a na osnovu detaljnog pregleda već postojećih materijala na e-school web stranici;
- prikupi materijale u vidu publikacija, brošura, prezentacija, letaka, postera, web linkova, video sadržaja, podcasta na temu sigurnosti djece na internetu i zloupotrebe djece putem digitalnih tehnologija;
- dostavi sve materijale u elektronskom formatu osoblju Centra za sigurni internet na pregled i odobrenje;
- izradi izvještaj o radu na lokalnom jeziku.

Centar za sigurni internet će odabranom konsultantu/ici osigurati pristup e-school stranici, olakšati pristup neophodnim resursima i potrebnim informacijama za efikasan rad, te pružiti podršku tokom cijelog procesa.

Vremenski okvir

Za sve zadatke definisane ovim Uslovima angažmana, konsultant/ica će biti angažovan/a od 25. decembra 2023. do 10. januara 2024. godine.

Očekivani ishod	Datum dospjeća
Sastanak sa predstavnicima Centra, dogovor plana rada i potpisivanje ugovora	25.12.2023.
Prikupljanje materijala u vidu publikacija, brošura, prezentacija, letaka, postera, web linkova, video sadržaja, podcasta na temu sigurnosti djece na internetu i zloupotrebe djece putem digitalnih tehnologija	Do 31.12.2023.
Dostavljanje izvještaja o radu konsultanta na lokalnom jeziku	Do 05.01.2024.

Ekspertiza i iskustvo konsultanta/agencije

Za obavljanje zadataka iz Uslova angažmana, konsultant/ica treba da ispunjava sljedeće kriterije:

- Visoka stručna sprema (smjer društveno-humanističkih ili srodnih nauka);
- Iskustvo na poslovima istraživanja i/ili sličnim poslovima;
- Izražene analitičke sposobnosti;
- Aktivno poznavanje engleskog jezika.

Prijava

Zainteresovani kandidati/kinje treba da pripreme i dostave ponudu (sa odgovarajućim priložima) na lokalnom jeziku, što uključuje:

1. Biografiju/CV sa referencama i primjerima prethodnih analiza/desk istraživanja;
2. Finansijsku ponudu (formular u prilogu).

Poziv je otvoren za državljane Bosne i Hercegovine.

MFS-EMMAUS/Centar za sigurni internet neće snositi druge troškove istraživanja, kao što su putni troškovi, smještaj ili eventualno bilo koji drugi trošak koji može nastati prilikom obavljanja poslova u okviru angažmana.

MFS-EMMAUS je humanitarna organizacija uspostavljena s ciljem jačanja i promocije ljudskih prava u Bosni i Hercegovini, kao i zaštite djece i mladih od svih oblika nasilja, te ljubazno apelujemo na Vašu društvenu odgovornost pri kreiranju ponude koja će biti povoljnija od standardnih tržišnih ponuda za komercijalne usluge.

Zainteresovani kandidati/kinje treba da dostave svoju ponudu na sarajevo@mfs-emmaus.ba ili na adresu ureda u Sarajevu (Paromlinska 10) najkasnije do 19.12.2023. Samo kandidati koji uđu u uži izbor će biti kontaktirani.

FORMULAR ZA PRIJAVU

1. OPĆI PODACI KANDIDATA/PONUĐAČA

Ime i prezime	
Organizacija	
Adresa	
Telefon	
E-mail	

2. FINANSIJSKA PONUDA

Br.	Stavka	Količina	Cijena po jedinici	Ukupna cijena (BAM)
	TOTAL (neto iznos)			

3. IZJAVA

Ja, dolje potpisani izjavljujem da sam upoznat sa obavezama kandidata/ponuđača u slučaju dodjele ugovora po ovom pozivu.

Ime	
Potpis	
Datum	